

東園語錄序

客有卒然而問者曰予聞近有大醫王之說信乎予曰然客曰何謂也予曰夫所謂大醫王者其上醫國其次醫人不需藥餌可盡天下而調治之者也客曰醫安在予曰此醫恒無定處非誠意不可致非勝地不能留惟東園時息駕焉園有花可賞心園有卉可寄興園有山水可登臨灑然適然歡如也及一念夫害心害身不克自治之輩則又脩然悲惻然憫急起而藥石之如孔子之醫狂矜愚先去其蕩與忿戾與詐之變本加厲又如孟子醫好色之疾而以太王爲鍼醫好貨之疾而以公劉爲砭醫好勇之疾而以文王武王爲良劑必欲至於返本回元而後道藏輯要

東園語錄序

七

續壁集七

已於是以不藥之藥著爲良言詠歎之詞題其名曰東園語錄此亦猶古之青囊等編也子誠取其書而讀之雖不可救藥者亦可望治又何疑於大醫王之說也大醫王爲誰變元贊運演正警化孚佑帝君也龔森三敬序